


Cat na Caillí

Seidhán Si



‘Is fada liom go dtiocfaidh Oíche
Shamhna,’ arsa Cat na Caillí ...

 AN GUM



Siobhán Mhic Gearailt
Maria Murray a mhaisigh

‘Is fada liom go dtiocfaidh Oíche Shamhna,’ arsa Cat na Caillí. ‘Beidh píosa den bhairín breac agam.’
Chuala an Chailleach é.

‘Ní bheidh, muisé,’ ar sise. ‘Bíonn tú i do shuí ansin cois na tine ó mhaidin go hoíche. Éirigh agus scuab an t-urlár dom.’



Éirigh agus scuab an t-urlár dom.



'Is fada liom go dtiocfaidh Oíche Shamhna,' arsa Cat na Caillí. 'Beidh bia breá blasta as an gcorcán agam.'

Chuala an Chailleach é. 'Ní bheidh, muisé,' ar sise. 'Bíonn tú i do shuí ansin cois na tine ó mhaidin go hoíche.

Éirigh agus nigh an spúnóg dom.'

Éirigh agus nigh an spúnóg dom.



'Is fada liom go dtiocfaidh Oíche Shamhna,' arsa Cat na Caillí. 'Beidh deis agam eitilt ar scuab na caillí.'
Chuala an Chailleach é.

'Ní bheidh, muisé,' ar sise. 'Bíonn tú i do shuí ansin cois na tine ó mhaidin go hoíche. Éirigh agus glan an bord dom.'

Éirigh agus glan an bord dom.




Tháinig Oíche Shamhna. Bhí Cat
na Caillí breá sásta leis féin.
'Beidh píosa den bhairín breac agam,'
ar seisean. 'Beidh bia breá blasta as
an gcorcán agam. Agus ansin beidh
deis agam eitilt ar scuab na Caillí.'



Chuala an Chailleach é.
'Ní bheidh, muisé,' ar sise.
'Féadfaidh tú fanacht i do shuí
ansin cois na tine.'
Agus amach an doras léi.



An cat bocht! Ní mó ná sásta a bhí sé. Bhí Oíche Shamhna tagtha ach bhí sé féin, Cat na Caillí, fós ina shuí cois na tine.



Bhuail ocras é. Anonn leis go dtí an
corcán agus sháigh sé an spúnóg
isteach ann.



'Tá sé seo an-bhlasta,' arsa an cat.
'Beidh spúnóg eile de agam.'
Bhí sé ag ithe agus ag ithe nó go
raibh a bholg lán. Ansin shuigh sé
cois na tine agus thit a chodladh
air.



Tamall ina dhiaidh sin dhúisigh an cat. Bhual ocras arís é. Anonn leis go dtí an corcán. Thosaigh sé ag ithe arís. Ansin shuigh sé cois na tine agus thit a chodladh air. Chaith Cat na Caillí an oíche ar fad ag ithe agus ag codladh.



Nuair a tháinig an Chailleach ar ais
bhí ocras uirthi. Anonn léi go dtí an
corcán.



Ní mó ná sásta a bhí an Chailleach.
'Níl aon bhia fágtha,' ar sise. 'Cé a
d'ith a raibh de bhia sa chorcán?'



Leis sin dhúisigh an cat.
'Mise a d'ith é,' ar seisean,
'agus is é a bhí
go breá blasta.'





An chéad eagrán 2006
Athchlió 2010

© An Roinn Oideachais agus Eolaíochta / Foras na Gaeilge, 2006

Gach ceart ar cosaint. Ní ceadmhach aon chuid den fhoilseachán seo a atáirgeadh, a chur i gcomhad athfhála, ná a tharchur ar aon mhodh ná síl, bíodh sin leictreonach, meicniúil, bunaithe ar fhóidchoipeáil, ar thairleadadh nó eile, gan cead a fháil roimh ré ón bhfoilsitheoir.

Baineann an saothar seo le scéim Dhearthóirí Áiseanna Teagaisc na Roinne Oideachais agus Eolaíochta atá ann chun áiseanna Gaeilge a sholáthar do na bunscoileanna Gaeltachta agus do na bunscoileanna Ián-Chhaeilge.

Dearthóirí Áiseanna Teagaisc na Gaeilge a scríobh

Dearadh agus leagan amach: Designit

Obair eilaine: Maria Murray

Printset and Design Teo a chloíhuail in Éirinn

An Gúm, 24-27 Sráid Fhreidric Thuaidh, Baile Átha Cliath 1